

差別如是諸行雖復差別皆亦不離一切智
智相應正行

復次一切文字性非有說然彼一切智智於
諸文字方便宣說

此中文字當云何義謂虛空義虛空何義謂
空性義空性何義謂成室囉義成室囉何義

謂無說義無說何義謂無相義無相何義謂

一切智義一切智何義謂如意寶義如意寶

何義謂即智義智復何義所謂心義心復何

義謂彼三界大自在義三界大自在何義謂

徧照義徧照何義謂梵天義梵天何義謂大

力天義大力天何義謂自在天義自在天何

義謂即佛義佛者何義謂金剛薩埵義金剛

薩埵何義謂觀自在義觀自在何義謂世間

義世間何義謂輪迴義輪迴何義謂涅槃義

涅槃何義謂不可數義不可數何義謂不可

知義不可知何義謂無生義無生何義謂無

滅義無滅何義謂無色義無色何義謂無聲

義無聲何義謂無根本義無根本何義謂無
長養義無長養何義謂無住義無住何義此
無住者即無所有離諸有智思惟分別出過
諸佛及佛菩提安住金剛吽字根本即此吽
字復成蓮華火曼拏羅住空空性離塵法性
二種根本最上清淨相應勝行

如是了知已於輪迴中勇猛精進普令獲得
涅槃大樂若住此心是為智者滅苦惱法二
種根本皆悉平等是為最上精進勝行成就
牟尼大安樂法安住正念如日光明普照世
間心智平等相應安住所有一切甚深秘密
如前所說彼成室囉及虛空分皆如是說

宅八

四

如是成就最上樂法即得諸佛自性相應了
知世間所有衆生一切生法喜愛二種和合
相應當知無性彼無常法畢竟空寂
諸教決定名義論

佛說大方廣未曾有經善巧方便品

西譯經三藏朝奉太師鴻臚卿傳法大師臣施護奉詔譯

尔時有菩薩摩訶薩其名大意於衆會中即從座起嚴整衣服合掌恭敬頂禮佛足前白佛言世尊諸修菩薩行者於五欲境作何方便取而不著雖復常行無所障礙

尔時佛告大意菩薩言善哉善哉大意汝名最上見最上義能於衆中問如是事諸修菩薩行者未來世中於諸佛所深種善根如是名為善巧方便即得諸佛共所建立

是時大意菩薩復白佛言世尊諸修菩薩行者未來世中云何於諸佛所深種善根唯願世尊利樂一切衆生廣為宣說

佛言善男子汝今諦聽當為汝說若有人行少分施能起增上廣為一切衆生最勝善心所獲功德迴向一切衆生如是善利無有窮盡譬如天雨降霑大海一一水滴數不可知相續流注無有窮盡行布施者善巧迴向一切衆生所有功德亦復如是資諸善法展轉

宅八

五

增勝亦復無盡乃至成佛衆善圓滿

復次大意若復有人見有曼拏羅處施以一香作是施時當起是意普願一切衆生得最上戒香具足一切樂具皆得如意若施一華普願一切衆生當於天上人間平等受大供養若施一燈普願一切衆生開諸盲目消除暝暗得大明照如日月光若施塗香而用塗飾普願一切衆生當得真金色相天香塗飾若施衣服普願一切衆生慙愧具足離諸過失若施搏食普願一切衆生得天甘露食復得最上法甘露味快樂具足若施鈴鐸普願一切衆生皆得最上清妙梵音聞者適悅若施傘蓋普願一切衆生離風雨難得大清涼普覆一切若施幢幡普願一切衆生身如朗月清淨潔白光明普照盡諸世間人所愛樂若施寶拂普願一切衆生離諸塵垢身得清淨有大名稱最上吉祥所應具足若施諸莊嚴具普願一切衆生當得一切佛功德寶聖

莊嚴具若施歌樂普願一切衆生得勝耳根
常聞諸佛妙好音聲若施舩舫騎乘普願一
切衆生得最上乘又復隨諸衆生有所愛樂
而悉施與得童子相柔軟妙好受天快樂諸
所施作適悅自在若施栴檀香普願一切衆
生得三十二大丈夫相具足莊嚴乃至無見
頂相常出妙香若施座具普願一切衆生受
天富樂一一當處最上最勝大金剛座若施
卧具普願一切衆生當得最上歡喜適悅若
施僧坊舍宇普願一切衆生住天悅意妙寶
樓閣四種神足悉得圓具若施空地普願一
切衆生當得安住勝妙十地速至最上圓滿
佛地若施眷屬普願一切衆生當得世間天
人阿脩羅等常所侍衛堅固不壞最上最勝
諸所施作而無等比若施醫藥普願一切衆
生離諸病苦如大藥樹當得金剛不破壞身
一切莊嚴常得最上適悅快樂若施明鏡普
願一切衆生如月光明普照一切若施瓶器

宅八

六

普願一切衆生得大賢瓶灌注法水普潤一
切若施園林樹木普願一切衆生身如劫樹
若施酥酪普願一切衆生得最上樂味若施
甘美等物普願一切衆生得最上可愛輕安
樂味
又復諸修菩薩行者若見一切男女奴婢當
起是意普願一切衆生悉當遠離恩愛纏縛
憂惱等苦一一皆獲自在快樂若見苦境當
起是意普願一切衆生得離諸苦解脫自在
與諸佛等若於一切衆生作父母師長阿闍
梨想恭敬尊重於當生中天上人間若沙門
婆羅門等諸所生處諸根調伏離一切苦若
處五欲樂時當起是意普願一切衆生如所
樂欲悉得如意一切皆具菩薩勝行若澡沐
時當起是意普願一切衆生離諸塵垢清淨
無染與諸佛等若入園林寺舍及諸方處當
起是意普願一切衆生得入最上解脫法門
若出一切方處當起是意普願一切衆生出

輪迴際住安樂法若飲食時當起是意普願一切衆生離諸惡趣斷飲食想若處眷屬中當起是意普願一切衆生遠離鬪諍互相愛敬爲善知識慈和平等若開戶時當起是意普願一切衆生開解脫門咸得趣入若閉戶時普願一切衆生閉惡趣門不復趣進若履

宅八

十

道路時當起是意普願一切衆生如理修行順趣正道若乘船舫騎乘當起是意普願一切衆生乘最上乘登正覺道若有所過度時當起是意普願一切衆生出過地獄等苦不復趣入若有一切常語論時當起是意普願一切衆生正念現前諸法圓滿若見有人起忿怒時即生歡喜作如是意普願一切衆生當息一切毒害忿怒遠離魔婬若有宣說善法語言當起是意普願一切衆生得諸佛智辯才無礙若處戲笑歌樂讚詠當起是意普願一切衆生常大歡喜受諸富樂自在適悅若睡眠時當起是意普願一切衆生起最上

心出離無智塵暗淤泥諸有所作得佛建立住圓滿智若經行時當起是意普願一切衆生常得履諸聖道

尔時大意菩薩聞說是法生大歡喜復白佛言善哉世尊善說此法能令一切修菩薩行者所有身語意業如善所作常得諸佛共所攝受所有惡趣一切衆生得佛救度世尊於後末世修菩薩行者如佛所說善巧方便應如是行是即名爲修菩薩行

佛言大意如是如是諸修菩薩行者若如是學即得信心堅固不復退轉種子具足出生現行大意當知此即名爲菩薩勝相復爲最上善巧方便汝等於此正法當勤修習爲人演說

尔時大意菩薩摩訶薩聞佛說是法已歡喜稱讚禮世尊足退任一面

八末

佛說大方廣未曾有經善巧方便品 宅八